

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

6. Personam carissimi &c. Bulla de excommunicando Regni. Invasores, & Turbatores Pacis: Anno 1317.
- 

[urn:nbn:de:hbz:466:1-74452](#)

A N N O  
1317.Bulla de excommunicando Regni Invasores,  
& Turbatores Pacis Anno 1317.VI.  
Ex Arch.  
Angl. Rimer.  
Tom. 3. pag.  
688.

## JOANNES EPISCOPUS,

*Servus Servorum Dei, dilectis filiis Gause-*  
*lino tituli sanctorum Marcellini, & Pe-*  
*tri, Presbytero, & Luce sancta Marie*  
*in Via lata, Diacono Cardinalibus, A*  
*postolica sedis munis, salutem & Aposto-*  
*licam benedictionem.*

**P**ersonam carissimi in Christo filii nostri Eduardi Regis Angliae illustris, ejusque Regnum inclitum ea dilectionis sinceritate prosequimur, ut suum dicti Regni statum à guerrum fluctibus liberum, & à discriminum, paternis desideris affectantes, ad procurandum tranquillitatem & quietem illius, opportunum Apostolicae sedis Patrocinium, quantum cum Deo possumus liberaliter impendamus, quatinus Rex ipse, securitate sibi ab insidiis æmulatorum induita utilitatibus propriis liberius possit intendere, seque ad assumendum negotium Terræ Sanctæ, nostris præcordiis non medioricer insidens, ad quod, ut afferit, firmiter anhelat, habilius valeat præparare. Cum itaque, sicut displiceret audivimus, ipsorum Regis & Regni Pax & optanda tranquillitas, nedum sit forinsecis Guerrarum turbibibus perturbata, sed & intefinis periculis lacera scissaris, dum nonnulli magnates & Domini dæ Regni, sperto fidelitatis debito ipsius Regis obedientia se subducunt, & tam illi, quam alii in ipsum, ac regnum prædictum, & Terram suam Hibernæ impugnatio & invasionis reprobant conatus exercerent. Nos eisdem, Regi & Regno præmisso considerationis intuitu, circa id, quantum in nobis est, prospici cupientes, in omnes & singulos cuiuscumque sint præminentias, dignitatis ac status, qui Regem ipsum, Regnum & terram prædicta, aut eorum partem invadere, vel Regnum ipsum, & Terram contra Regem eundem, cum Armis, vel sine Armis intrare præsumperint, aut alias eorum pacem & tranquillitatem iniuste turbaverint, seu hujusmodi Turbatoribus aut Invasoribus in Pecunia, equis, vel armis, vel aliis circa hæc præstiterint auxilium, consilium, vel favorem publicum vel occultum, Excommunicationis in personas, & interdicti sententias in Terras eorum auctoritate præsentium, promulgandi. A qua quidem Excommunicationis sententia, sine speciali mandato sedis Apostolicae, nisi forsan in mortis articulo, absolví nequeant, in quo etiam, si fuerint absoluti, & ipsos contigerit sanitati restituui, nisi satisficerint infra mensem, eadem sententia eo ipso ligentur. Nec non ad quascunque penas alias, spirituales & temporales contra illos debite procedendi. Et insuper, sententias atque penas, ubicumque & quotiescumque expedire videritis, & præcipue in locis maritimis, seu mari vicinis per vos, vel alium, seu alios solemniter publicandi. Ac omnes pactiones, obligationes confederations & colligationes circa præmissa, vel eorum aliquod factas, Juramento vel quacunque firmitate alia roboratas, nullas, irritas, & Juribus, vacuas nuntiandi, vacuandi, seu dissolvendi, irritandi & revocandi, quatenus de facto processerint. Nec non & Juramenta, circa id præstita, prout secundum Deum expedire viderint, relaxandi. Et alia, quæ circa præmissa, & ea tangentia, fuerint oppor-

tuna, mediante Justitia, faciendo; non obstantibus quibuscumque commissionibus superdictis, vel eorum aliquo, vobis aut quibuslibet aliis, alias per nos factis: quibus tamen per hæc non intendimus derogare; Sed eas volumus in suo vigore manere: Aut si aliquibus à Sede Apostolica sit indulatum, sib quacumque forma vel conceptione verborum, quod excommunicari, vel eorum Terræ Ecclæstico interdicto supponi non possint per litteras sedis ejusdem non facientes plenam & expressam, ac de verbo ad verbum de indulto hujusmodi mentionem; & qualibet alia dictæ sedis Indulgentia generali vel speciali, cujuscumque tenoris vel expressionis existat, per quam effectus præsentium impediti possit, vel quomodo libet retardari vobis, aut verbum alteri, plenam & liberam concedimus, tenore præsentium facultatem.

Datum Avignon, quarto Calendas Januarii, Pontificatus nostri Anno secundo.

A N  
1317.

Ne quis è Fratribus ordinis Prædicatorum in Episcopum electus absque facultate superiorum electionem acceptet: Anno 1317.

VII.  
Ex Anecl.  
M. Martene  
Tom. I. pag.  
1349.

## JOANNES EPISCOPUS,

*Servus Servorum Dei, dilectis filiis & fra-*  
*tribus Ordinis Prædicatorum salutem, &*  
*Apostolicam benedictionem.*

**O**rdinis vestri sacra Religio præmeretur, ut petitionibus vestris quantum cum Deo possumus, favorabiliter annuamus. Oblata nobis siquidem vestra petitio continebat, quid sœpe contingit, Fratres ejusdem ordinis in Episcopos eligi vel etiam postulari ab illis ad quos de jure hujusmodi electio seu postulatio dignoscitur pertinere. Ns itaque volentes super hoc remedium adhibere, auctoritate præsentium districtus inhibemus, ut nullus Fratrum vestri ordinis electionem, seu postulacionem de se factam valeat acceptare, nec etiam aliquatenus consentire, nisi prius petita, & obtenta speciali licentia à Magistro ordinis supra dicti, vel à Priori Provinciali suo dñntaxat, de cuius provinciæ hujusmodi electus fuerit, vel etiam postulatus, constitutione felicis recordationis Bonifacii Papæ octavi prædecessoris nostri super hoc edita, & qualibet alia contraria non obstante.

Datum Avenione decimo sexto Calendas Martii, Pontificatus nostri Anno primo.

VIII.  
Ex Misecl.  
Baluzii Tom.  
I. pag. 195.

## JOANNES EPISCOPUS,

*Servus Servorum Dei, dilecto filio Fratri*  
*Michaeli Monacho Ordinis fratrum Mi-*  
*norum, Inquisitori heretica pravitatis in*  
*Provincia ac Forqualquieri Comitatibus,*  
*nec non & in Civitatibus, terris & locis*  
*infra Arelatensem, Aquensem, Ebredun-*  
*ensem, & Viennensem provincias con-*  
*sentientibus auctoritate Apostolica constituta*  
*salutem, & Apostolicam benedictionem.*

**S**uper omnia desiderabilia cordis nostri fidei catholicae continuum incrementum intensio-